

E to'atasi mai le to'afā tagata Niu Sila e maua i le fulū i tausaga ta'itasi.

‘O le ‘Inifuluena, ‘le fulū’, e iai i so’o se vaega o le si’osi’omaga. E faigofie ona maua mai i tale ma mafatua a tagata. E sili atu lona leaga i lo se isu mamafa.

E iai nisi tagata e ono sili atu le tīgāina pe ‘ā maua i le fulū. E aofia ai tamaiti lāiti, pepe, tinā ma’itō ma tagata mātutua. Ma le isi, e fa’apenā fo’i ia i latou e maua i le ma’i sela po’o le ma’i suka.

E tataua ona nonofo i le falema’i nisi o i latou e maua i le fulū. E feoloolo nisi ‘ua maliliu ‘ona ‘o le fulū.

E to’atele tagata latou te lē iloa ‘ua maua i latou i le fulū ona e lē lagonaina ‘ua mama’i. ‘Ae mafai ona pīsia mai ai isi tagata ma mama’i tīgāina ai.

‘O le puipuiga sili mo ‘oe, ‘o le faia lea o sou tui puipuia mai le fulū i tausaga ta’itasi. E fesoasoani leni tui e puipuia lou tino mai le pīsia i le fulū.

E puipuia ai ‘oe, o lou ‘āiga ma tagata ‘uma tou te fa’afesaga’i i aso ‘uma pe ‘ā faia sou tui fulū.

E FAI FUA tui fulū mo tagata e 65 tausaga pe sili atu fo’i.

E FAI FUA fo’i tui fulū mo tinā ‘olo’o ma’itō.

E FAI FUA fo’i tui mo so’o se isi lava e i lalo ifo o le 65 tausaga e maua i le ma’i suka, e a’afia i ma’i o le fatu po’o le māmā ma nisi fo’i fa’ama’i.

E FAI FUA le tui mo tamaiti e i lalo ifo o le 5 tausaga sa taofia i le falema’i ‘ona ‘o le ma’i sela po’o se isi ma’i ‘o le māmā.

Fesili nei loa i lau fōma’i po’o le tausima’i e uiga i se tui o le fulū. ‘Ātonu e mafai ona FAI FUA mo ‘oe.

Fa’amalosi’au i lou ‘āiga ‘iā ‘i latou e maua fua se tui o le fulū e ō e va’ai le fōma’i po’o le tausima’i.

‘O lou mālosi ma le tino mālōlōina e lē taofia ai lou maua i le fulū.

‘E te lē pīsia i le fulū mai le vai o le tui.

E mana’omia le faia o lou tui o le fulū i tausaga ta’itasi ‘ae le’i o’o i le tau mālūlū mo se puipuia ‘ato’atoa o ‘oe.